

四庫全書

史部

欽定四庫全書

史部

史記正義卷四十五

詳校官編修臣
李如筠

欽定四庫全書

史記正義卷四十三

唐 張守節 撰

趙世家第十三

史記四十三

趙氏之先與秦共祖至中衍

中音仲

為帝大戊御其後世

蜚廉有子二人而命其一子曰惡來事紂為周所殺其
後為秦惡來弟曰季勝其後為趙季勝生孟增孟增幸于
周成王是為宅皐狼皐狼生衡父衡父生造父造父幸

于周繆王造父取驥之乘匹

乘食證反並四曰乘兩曰匹取八駿品其力使均馴

與桃林

括地志云桃林在陝州桃林縣西至潼關皆為桃林塞地山海經云夸父之山北有林焉名曰

桃林廣濶三百里中多馬造父于此得驊騮耳之乘獻周穆王也盜驪驊騮綠耳獻之

繆王繆王使造父御西巡狩見西王母樂之忘歸而徐

偃王反

括地志云大徐城在泗州徐城縣北三十里古之徐國也博物志云徐君宮人娠生兒以為不

祥棄于水濱孤獨母有犬名鵲倉街所棄兒以歸覆煖之遂成小兒生偃王故宮人聞之更收養之及長襲為徐君後鵲倉臨死生角而九尾繆王日馳千里馬攻徐

實黃龍也鵲倉或名后倉也

偃王大破之乃賜造父以趙城

晉州趙城縣即造父邑也由此為趙

氏自造父已下六世至奄父曰公仲周宣王時伐戎為

御及千畝戰

括地志云千畝原有晉州岳陽縣北九十里也

奄父脫宣王奄父

生叔帶叔帶之時周幽王無道去周如晉事晉文侯始建趙

氏于晉國自叔帶以下趙宗益興五世而生趙夙趙夙

晉獻公之十六年伐霍魏耿而趙夙為將伐霍霍公求

犇齊晉大旱卜之曰霍太山為祟使趙夙召霍君于齊

復之以奉霍太山之祀晉復穰晉獻公賜趙夙耿夙生

共孟當魯閔公之元年也共孟生趙衰字子餘趙衰卜

事晉獻公及諸公子莫吉卜事公子重耳吉即事重耳
重耳以驪姬之亂亡奔翟趙衰從翟伐廆咎如得二女
翟以其少女妻重耳長女妻趙衰而生盾初重耳在晉
時趙衰妻亦生趙同趙括趙嬰齊趙衰從重耳出亡凡
十九年得反國重耳為晉文公趙衰為原大夫居原任國
政括地志云原平故城漢原平縣也在代州崞縣南三
十五里崞音郭按宋忠說非也括地志云故原城在
懷州濟原縣西北二里左傳云襄王以原賜晉文公原
不服文公伐原以示信原降以趙襄為原大夫即此也
原本周歲文公所以反國及霸多趙衰計策語在晉事
內邑也

中趙衰既反晉晉之妻固要迎翟妻而以其子盾為適嗣晉妻三子皆下事之晉襄公之六年而趙衰卒謚為成季趙盾代成季任國政二年而晉襄公卒太子夷臯年少盾為國多難欲立襄公弟雍雍時在秦使使迎之太子母日夜啼泣頓首謂趙盾曰先君何罪釋其適子而更求君趙盾患之恐其宗與大夫襲誅之迺遂立太子是為靈公發兵距所迎襄公弟于秦者靈公既立趙盾益專國政靈公立十四年益驕趙盾驟諫靈公弗聽

及食熊蹯膾不熟殺宰人持其尸出趙盾見之靈公由此懼欲殺盾盾素仁愛人嘗所食桑下餓人反扞救盾盾以得亡未出境而趙穿弑靈公而立襄公弟黑臀是為成公趙盾復反任國政君子譏盾為正卿亡不出境反不討賊故太史書曰趙盾弑其君晉景公時而趙盾卒謚為宣孟子朔嗣趙朔晉景公之三年朔為晉將下軍救鄭與楚莊王戰河上朔娶晉成公姊為夫人晉景公之三年大夫屠岸賈欲誅趙氏初趙盾在時夢見叔

帶持要而哭甚悲已而笑拊手且歌盾卜之兆絕而後
好趙史援占之曰此夢甚惡非君之身乃君之子然亦
君之咎至孫趙將世益衰屠岸賈者始有寵于靈公及
至于景公而賈為司寇將作難乃治靈公之賊以致趙
盾徧告諸將曰盾雖不知猶為賊首以臣弑君子孫在
朝何以懲臯請誅之韓厥曰靈公遇賊趙盾在外吾先
君以為無罪故不誅今諸君將誅其後是非先君之意
而今妄誅妄誅謂之亂臣有大事而君不聞是無君也

屠岸賈不聽韓厥告趙朔趣亡朔不肯曰子必不絕趙祀朔死不恨韓厥許諾稱疾不出賈不請而擅與諸將攻趙氏于下宮殺趙朔趙同趙括趙嬰齊皆滅其族趙朔妻成公姊有遺腹走公宮匿趙朔客曰公孫杵臼杵臼謂朔友人程嬰曰胡不死程嬰曰朔之婦有遺腹若幸而男吾奉之即女也吾徐死耳居無何而朔婦免身生男屠岸賈聞之索于宮中夫人置兒絝中祝曰趙宗滅乎若號即不滅若無聲及索兒竟無聲已脫程嬰謂

公孫杵曰曰今一索不得後必且復索之奈何公孫杵
曰曰立孤與死孰難程嬰曰死易立孤難耳公孫杵曰
曰趙氏先君遇子厚子彊為其難者吾為其易者請先
死乃二人謀取他人嬰兒負之衣以文葆匿山中程嬰
出謬謂諸將軍曰嬰不肖不能立趙孤誰能與我千金
吾告趙氏孤處諸將皆喜許之發師隨程嬰攻公孫杵
曰杵曰謬曰小人哉程嬰昔下宮之難不能死與我謀
匿趙氏孤兒今又賣我縱不能立而忍賣之乎抱兒呼

曰天乎天乎趙氏孤兒何罪請活之獨殺杵臼可也諸將不許遂殺杵臼與孤兒諸將以為趙氏孤兒良已死皆喜然趙氏真孤乃反在程嬰卒與俱匿山中居十五年晉景公疾卜之大業之後不遂者為祟景公問韓厥厥知趙孤在乃曰大業之後在晉絕祀者其趙氏乎夫自中衍者皆嬴姓也中衍人面鳥喙降佐殷帝大戊及周天子皆有明德下及幽厲無道而叔帶去周適晉事先君文侯至于成公世有立功未嘗絕祀今吾君獨滅

趙宗國人哀之故見龜策唯君圖之景公問趙尚有後
子孫乎韓厥具以實告于是景公乃與韓厥謀立趙孤
兒召而匿之宮中諸將入問疾景公因韓厥之衆以脅
諸將而見趙孤趙孤名曰武諸將不得已乃曰昔下宮
之難屠岸賈為之矯以君命并命羣臣非然孰敢作難
微君之疾羣臣固且請立趙後今君有命羣臣之願也
于是召趙武程嬰徧拜諸將遂反與程嬰趙武攻屠岸
賈滅其族復與趙武田邑如故及趙武冠為成人程嬰

乃辭諸大夫謂趙武曰昔下宮之難皆能死我非不能
死我思立趙氏之後今趙武既立為成人復故位我將
下報趙宣孟與公孫杵臼趙武啼泣頓首固請曰武願
苦筋骨以報子至死而子忍去我死乎程嬰曰不可彼
以我為能成事故先我死今我不報是以我事為不成
遂自殺趙武服齊衰三年為之祭邑春秋祠之世世勿
絕

今河東趙氏祠先人猶
別舒一座祭二士矣

趙氏復位十一年而晉厲公

殺其大夫三卻欒書畏及乃遂弑其君厲公更立襄公

曾孫周是為悼公晉由此大夫稍彊趙武續趙宗二十
七年晉平公立平公十二年而趙武為正卿十三年吳
延陵季子使于晉曰晉國之政卒歸于趙武子韓宣子
魏獻子之後矣趙武死謚為文子文子生景叔景叔之
時齊景公使晏嬰于晉晏嬰與晉叔向語嬰曰齊之政
後卒歸田氏叔向亦曰晉國之政將歸六卿六卿侈矣
而吾君不能恤也趙景叔卒生趙鞅是為簡子趙簡子
在位晉頃公之九年簡子將合諸侯戍于周其明年入

周敬王于周辟弟子朝之故也晉頃公之十二年六卿以法誅公族祁氏羊舌氏分其邑為十縣六卿各令其族為之大夫晉公室由此益弱後十三年魯賊臣陽虎來奔趙簡子受賂厚遇之趙簡子疾五日不知人大夫皆懼醫扁鵲視之出董安于問扁鵲曰血脉治也而何怪在昔秦繆公嘗如此七日而寤寤之日告公孫支與子輿曰我之帝所甚樂吾所以久者適有學也帝告我晉國將大亂五世不安其後將霸未老而死霸者之子

且令而國男女無別公孫支書而藏之秦識于是出矣
獻公之亂文公之霸而襄公敗秦師於殽而歸縱淫此
子之所聞今主君之疾與之同不出三日疾必間間必
有言也居二日半簡子寤語大夫曰我之帝所甚樂與
百神游于鈞天廣樂九奏萬舞不類三代之樂其聲動
人心有一熊欲來援我帝命我射之中熊熊死又有一
羆來我又射之中羆羆死帝甚喜賜我二笥皆有副吾
見兒在帝側帝屬我一翟犬曰及而子之壯也以賜之

帝告我晉國且世衰七世而亡

謂晉定公出公哀公幽公烈公孝公靜公為七

世靜公二年為三晉所滅據此及

及嬴姓將大敗周人于

范魁之西

嬴趙姓也周人謂衛也晉亡之後趙成侯三年衛取都鄙七十三是也賈逵云川阜曰魁

也而亦不能有也今余思虞舜之勲適余將以其胄女

孟姚配而七世之孫董安于受言而書藏之以扁鵲言

告簡子簡子賜扁鵲田四萬畝他日簡子出有人當道

辟之不去從者怒將刃之當道者曰吾欲有謁于主君

從者以聞簡子召之曰譖吾有所見乎晰也當道者曰

屏左右願有謁簡子屏人當道者曰主君之疾臣在帝側簡子曰然有之子之見我我何為當道者曰帝令主君射熊與羆皆死簡子曰是且何也當道者曰晉國且有大難主君首之帝令主君滅二卿夫熊與羆皆其祖也

范氏中行氏之祖也

簡子曰帝賜我二笥皆有副何也

副謂皆子姓也

當道者曰主君之子將克二國于翟皆子姓也

謂代及智氏也

簡子曰吾見兒在帝側帝屬我一翟犬曰及而子之長以賜之夫兒何謂以賜翟犬當道者曰兒主君之子也

程大者代之先也主君之子且必有代及主君之後嗣

且有革政而胡服

今時服也廢除裘裳也

并二國于程

武靈王略中山地至

寧葭西略胡地至樓煩榆中是也

簡子問其姓而延之以官當道者曰

臣野人致帝命耳遂不見簡子書藏之府異日姑布子

卿見簡子簡子徧召諸子相之子卿曰無為將軍者簡

子曰趙氏其滅乎子卿曰吾嘗見一子于路殆君之子

也簡子召子毋卹毋卹至則子卿起曰此真將軍矣簡

子曰此其母賤程婢也奚道貴哉子卿曰天所授雖賤必

責自是之後簡子盡召諸子與語毋卹最賢簡子乃告
諸子曰吾藏寶符于常山上先得者賞諸子馳之常山
上求無所得毋卹還曰已得符矣簡子曰秦之毋卹曰
從常山上臨代代可取也

地道記云恒山在上曲陽縣西北百四十里北行四百五

十里得恒山岵号飛狐口北則代郡也

簡子于是知毋卹果賢乃廢太子

伯魯而以毋卹為太子後二年晉定公之十四年范中行作亂明年春簡子謂邯鄲大夫午曰歸我衛士五百家吾將置之晉陽午許諾歸而其父兄不聽倍言趙鞅

捕午囚之晉陽乃告邯鄲人曰我私有誅午也諸君欲誰立遂殺午趙稷涉賓以邯鄲反晉君使籍秦圍邯鄲荀寅范吉射與午善不肯助秦而謀作亂董安于知之

十月范中行氏

按會食邑于范因為范氏又中行寅本姓荀自荀偃將中軍為中行因號中行氏元與智

氏因承襲逝教姓荀氏

伐趙鞅鞅奔晉陽晉人圍之范吉射荀寅

仇人魏襄等謀逐荀寅以梁嬰父代之逐吉射以范臯

繹代之荀躒言于晉侯曰君命大臣始亂者死今三臣

始亂而獨逐鞅用刑不均請皆逐之十一月荀躒韓不

佞魏哆奉公命以伐范中行氏不克范中行氏反伐公

公擊之范中行敗走丁未二子奔朝歌韓魏以趙氏為

請

按趙鞅被范中行伐乃奔晉陽以其罪輕故韓魏為請晉君而得入絳

十二月辛未趙

鞅入絳盟于公宮其明年知伯文子謂趙鞅曰范中行

雖信為亂安于發之是安于與謀也晉國有法始亂者

死夫二子已伏罪而安于獨在趙鞅患之安于曰臣死

趙氏定晉國寧吾死晚矣遂自殺趙氏以告知伯然後

趙氏寧孔子聞趙簡子不請晉君而執邯鄲午保晉陽

故書春秋曰趙鞅以晉陽畔趙簡子有臣曰周舍好直
諫周舍死簡子每聽朝常不悅大夫請臯簡子曰大夫
無罪吾聞千羊之皮不如一狐之腋諸大夫朝徒聞唯
唯不聞周舍之鄂鄂是以憂也簡子由此能附趙邑而
懷晉人晉定公十八年趙簡子圍范中行于朝歌中行
文子奔邯鄲明年衛靈公卒簡子與陽虎送衛太子蒯
聵于衛衛不內居戚

括地志云故戚戚在相州澶水縣東三十里杜預云戚衛邑在頓丘

縣西有戚城是也

晉定公二十一年簡子拔邯鄲中行文子奔

栢人簡子又圍栢人中行文子范昭子遂奔齊趙竟有
邯鄲栢人范中行餘邑入于晉趙名晉卿實專晉權奉
邑侔于諸侯晉定公三十年定公與吳王夫差爭長于
黃池趙簡子從晉定公卒長吳定公三十七年卒而簡
子除三年之喪期而已是歲越王勾踐滅吳晉出公十
一年知伯伐鄭趙簡子疾使太子毋卹將而圍鄭知伯
醉以酒灌擊毋卹毋卹羣臣請死之母卹曰君所以置
毋卹為能忍詢然亦愠知伯知伯歸因謂簡子使廢毋

卹簡子不聽母卹由此怨知伯晉出公十七年簡子卒

太子毋卹代立是為襄子趙襄子元年越圍吳

年表及趙世家

云左傳越滅吳在簡子三十五年已在襄子元年前十五年矣何得更越圍吳之事從此下至問吳王是

三十年事文襄子降喪食使楚隆問吳王

左傳云哀公二十年簡子

死襄子嗣立以越圍吳故降父之祭饌而使楚隆慰問王為哀公十三年簡子在黃池之役與吳王質言曰好

惡同之故滅祭饌及問吳王也而趙世家及六國年表云此年晉定公卒簡子除三年之喪服朞而已按簡子

死及使吳年月皆襄子姊前為代王夫人簡子既葬未

除服北登夏屋

括地志云夏屋山一名賈屋山今名賈母山在代州鴈門縣東北三十五里夏

屋與句注山相接蓋北方之險亦請代王使厨人操銅天下之阻路所以分別内外也

料

音斗合作料其形方有柄取斟水器說文云鉤也

以食代王及從者行斟陰

令宰人各以料擊殺代王及從官遂興兵平代地其姊

聞之泣而呼天摩笄自殺代人憐之所死地名之為摩

笄之山

笄今簪也括地志云摩笄山一名磨笄山亦名為山在蔚州飛狐縣東北百五十里魏土地記

云代郡東南二十五里有馬頭山趙襄子既殺代王使人迎其婦代王夫人曰以弟慢夫非仁也以夫怨弟非義也磨笄自殺而遂以代封伯魯子周為代成君伯魯死使者亦自殺也

者襄子兄故太子太子蚤死故封其子襄子立四年知

伯與趙韓魏盡分其范中行故地晉出公怒告齊魯欲以伐四卿四卿恐遂共攻出公出公奔齊道死知伯乃立昭公曾孫驕是為晉懿公知伯益驕請地韓魏韓魏與之請地趙趙不與以其圍鄭之辱知伯怒遂率韓魏攻趙趙襄子懼乃奔保晉陽原過從後至于王澤

括地志云

王澤在絳州正平縣南七里也

見三人自帶以上可見自帶以下不可

見與原過竹二節莫通曰為我以是遺趙毋卹原過既至以告襄子襄子齊三日親自剖竹有朱書曰趙毋卹

余霍泰山山陽侯天使也三月丙戌余將使女反滅知

氏女亦立我百邑余將賜女林胡之地至于後世且有

仇王亦黑龍面而鳥喙鬚麋髭頰大膺大胷脩下而馮

左衽界乘奄有河宗

穆天子傳云河宗之子孫則栢絮按蓋在龍門河之上流嵐勝二州

之地至于休溷諸貉

音陌自河宗休溷諸貉乃戎狄之地也

南伐晉別

趙南

伐晉之別邑謂韓魏之邑也

北滅黑姑

亦戎國

襄子再拜受三神之令

三國攻晉陽歲餘引汾水灌其城城不浸者三版

何休云八

尺曰版城中懸釜而炊易子而食羣臣皆有外心禮益慢

唯高共不敢失禮襄子懼乃夜使相張孟同私于韓魏
韓魏與合謀以三月丙戌三國反滅知氏共分其地于
是襄子行賞高共為上張孟同曰晉陽之難唯共無功
襄子曰方晉陽急羣臣皆懈惟共不敢失人臣禮是以
先之于是趙北有代南并知氏彊于韓魏遂祠三神于
百邑使原過主霍泰山祠祀括地志云三神祀今名其
原過祠今在霍山側也其
後娶空同氏括地志云崞峒山在蕭州福祿縣東南六十
里古西戎地又原州平高縣西百里亦
有崞峒山即黃帝問廣成子
道處俱是西戎地未知孰是
生五子襄子為伯魯之不

立也不肯立子且必欲傳位與伯魯子代成君成君先死乃取代成君子浣立為太子襄子立三十三年卒浣

立是為獻侯獻侯少即位在中牟

按五鹿在魏州元城縣東十二里鄴即相

州蕩陽縣西五十八里有牟山蓋中牟邑在此山側也

襄子弟桓子逐獻侯自立

于代一年卒國人曰桓子立非襄子意乃共殺其子而

復迎立獻侯十年中山武公初立十三年城平邑十五

年獻侯卒子烈侯籍立烈侯元年魏文侯伐中山使太

子擊守之六年魏韓趙皆相立為諸侯追尊獻子為獻

侯烈侯好音謂相國公仲連曰寡人有愛可以貴之乎
公仲曰富之可貴之則否烈侯曰然夫鄭歌者槍石二
人吾賜之田人萬畝公仲曰諾不與居一月烈侯從代
來問歌者田公仲曰求未有可者有頃烈侯復問公仲
終不與乃稱疾不朝番吾君括地志云番吾故城在恒
州房山縣東二十里番蒲
古今音異耳自代來謂公仲曰君實好善而未知所持今公
仲相趙于今四年亦有進士乎公仲曰未也番吾君曰
牛畜荀欣徐越皆可公仲乃進三人及朝烈侯復問歌

者田何如公仲曰方使擇其善者牛畜侍烈侯以仁義

約以王道烈侯遁然

遁音由古字與攸同言牛畜以仁義約以王道故止歌者田攸攸氣

行兒寬緩也

明日荀欣侍以選練舉賢任官使能明日徐越

侍以節財儉用察度功德所與無不充君說烈侯使使

謂相國曰歌者之田且止官牛畜為師荀欣為中尉徐

越為內史

漢書百官公卿表云少府內史周官秦因之掌治京師

賜相國衣二襲

九年烈侯卒弟武公立武公十三年卒趙復立烈侯太

子章是為敬侯是歲魏文侯卒敬侯元年武公子朝作

亂不克出奔魏趙始都邯鄲二年敗齊于靈丘三年救

魏于廩丘大敗齊人四年魏敗我兔臺築剛平

兔臺剛平並在

北河以侵衛五年齊魏為衛攻趙取我剛平六年借兵于

楚伐魏取棘蒲

今趙州平棘縣古棘蒲邑

八年拔魏黃城

括地志云故黃城在

魏州冠氏縣南十里因黃溝為名按陳留外黃城非隨所別也

九年伐齊齊伐燕趙救燕

十年與中山戰于房子

趙州房子縣是

十一年魏韓趙共滅晉

分其地伐中山又戰于中人

括地志云中山故城一名中人亭在定州唐縣東北

四十一里春秋時鮮虞國之中人邑也

十二年敬侯卒子成侯種立成侯

元年公子勝與成侯爭立為亂二年六月雨雪三年大

戊午為相伐衛取鄉邑七十三魏敗我蘭

地里志云屬西河郡也

四年與秦戰高安

蓋在河東

敗之五年伐齊于郵

濮州郵城縣是也

魏敗我懷攻鄭敗之以與我長子六年中山築長城伐

魏敗淶澤

涿音濁徐廣云長杜有濁澤非也括地志云濁水源出蒲州解縣東北平地爾時魏都安

邑韓趙伐魏豈河南至長杜也

圍魏惠王七年侵齊至

長城

齊長城西頭在齊州平陰縣太山記云太山西北有長城綠河經太山千餘里鄉邨入海括地志云所侵處在

密州南三十里也

與韓攻周八年與韓分周以為兩

括地志云史記周顯

二年西周惠公封少子班于鞏為東周其子武九年
公為秦所滅郭緣生述征記云鞏縣本周鞏伯邑

與齊戰阿下

阿東阿也今濟州東阿縣也

十年攻攻衛取甄十一年

秦攻魏趙救之石阿

蓋在石隰等州界也

十二年秦攻魏少梁

少梁

故城在同州韓城縣南趙救之十三年秦獻公使庶長
二十二里古少梁國也

國伐魏少梁虜其太子座魏敗我澮取皮牢

枯地志云澮水縣在

絳州翼城縣東南二十五里按皮牢當在澮之側

成侯與韓昭侯遇上黨十四

年與韓攻秦十五年助魏攻齊十六年與韓魏分晉封

晉君以端氏

端氏澤州縣也

十七年成侯與魏惠王遇葛孽

地枯

志云澮水縣在絳州翼城縣東南
二十五里按皮牢當在澮之側
十九年與齊宋會平

陸
充州縣也平陸與燕會阿
括地志云故葛城一名依

陽縣西北五十里以徐充二水並過其西又徂經其北
曲曰阿以齊有東阿故曰西阿城地理志云瀛州屬河

間趙分也按二十年魏獻榮祿因以為檀臺
燕趙即此也
鄭元云榮

文云祿櫟也屋栢之兩頭起者為榮也
括地志云檀臺在洛州臨洛縣北二里
二十一年魏圍

我邯鄲二十二年魏惠王拔我邯鄲齊亦敗魏于桂陵

括地志云故桂城在曹州乘縣東北
北二十一里故老云此即桂陵也
二十四年魏歸我邯

鄲與魏盟漳水上秦攻我蘭二十五年成侯卒公子緄

與太子肅戾爭立，謀敗亡奔韓。肅戾元年，奪晉君端氏。

徙處屯留。

括地志云：屯留故城在潞州長子縣東北三十里。本漢屯留縣城也。

二年，與魏

惠王遇于陰晉。

地里志云：華陰縣，魏之陰晉。秦惠文王更名寧秦。高帝更名華陰，今屬華州。

三年，公子范襲邯鄲，不勝而死。四年，朝天子。六年，攻齊。

拔高唐。七年，公子刻攻魏首垣。

蓋在河北也。

十一年，秦孝公

使商君伐魏，虜其將公子卬。趙伐魏，十二年，秦孝公卒。

商君死十五年，起壽陵。

徐廣云：在常州。

魏惠王卒十六年，肅侯

游大陵。

括地志云：大陵城在并州文水縣北十三里。漢大陵縣城。

出于鹿門。

并州孟縣西有

白鹿泓魏出自鹿山南海
蓋鹿門在北山水之側也
大戊午扣馬曰耕事方急一

日不作百日不食肅侯下車謝十七年圍魏黃不克

黃城

在魏州前拔之却築長城

劉伯莊云蓋從雲中以北至代按趙長城從尉州北西至

嵐州北盡趙界又疑此長城在潭水之北趙南界

十八年齊魏伐我我決河水

灌之兵去二十二年張儀相秦趙疵與秦戰敗秦殺疵

河西取我蘭離石二十三年韓舉與齊魏戰死于桑丘

括地志云桑丘城在易州遂城縣界或云在泰山非也此時齊伐桑丘三晉皆來救之不得在泰山有桑丘

縣此說甚誤也二十四年肅侯卒秦楚燕齊魏出銳師各萬人

來會葬子武靈王立武靈王元年陽文君趙豹相梁襄

王與太子嗣韓宣王與太子倉來朝信宮

在洺州臨洺縣也

武

靈王少未能聽政博聞師三人左右司過二人及聽政

先問先王貴臣肥義加其秩國三老年八十月致其禮

三年城鄆四年與韓會于區鼠

蓋在河北

五年娶韓女為夫

人八年韓擊秦不勝而去五國相王趙獨否曰無其實

敢處其名乎令國人謂已曰君九年與韓魏共擊秦秦

敗我斬首八萬級齊敗我觀澤

括地志云觀澤故城在魏州頓丘縣東十八里

也

十年秦取我西都及中陽齊破燕燕相子之為君君反

為臣十一年王召公子職于韓立以為燕王使樂池送之

十三年秦拔我蘭虜將軍趙莊

本一作庇音正婢反

楚魏王來過邯

鄆十四年趙何攻魏十六年秦惠王卒王遊大陵他日王

夢見處女鼓琴而歌詩曰美人熒熒兮顏若苔之榮

苔音條毛

詩疏云苔鏡也幽州謂之翹鏡蔓似瑩豆而細葉似蒺藜而青其華細綠色可生食味如小豆藿也又本草經云陵

苔生下濕水中七八月生華紫命乎命乎曾無我嬴

按命名也

嬴姓嬴也言世衆名其美好曾無我好嬴也重言名呼者以談說衆也

異日王飲酒樂數言

所夢想見其狀吳廣聞之因夫人而內其女娃嬴孟姚也

孟姚甚有寵于王是為惠后十七年王出九門

本戰國時趙邑戰國

策云本有宮室而居趙武靈王改為九門

為野臺

括地志云野臺一名義臺在定州樂縣西南西南六十三

里以望齊中山之境十八年秦武王與孟說舉龍文赤鼎

絕臚而死趙王使代相趙固迎公子稷于燕送歸立為秦

王是為昭王十九年春正月大朝信宮召肥義與議天下

五日而畢王北略中山之地至于房子

趙州縣也

遂之代北至

無窮西至河登黃華之上

黃華蓋西河側之山名也

召樓緩謀曰我

先王因世之變以長南藩之地屬阻障滄之險立長城

又取蘭郭狼敗林人

即林胡也

於徃而功未遂今中山在我腹

心北有燕

地理志云趙分晉北有信都中山又得郡之高陽鄆州鄉東有清河之間又得渤海郡東

平舒等七縣在河北故言北有燕

東有胡

趙東有瀛州之東北營州之境即東胡烏丸之地服虔云

東胡烏丸之先

西有林胡樓煩秦韓之邊

林胡樓煩即嵐勝之北也

嵐勝以南石州離石蘭等七國時趙邑邊也秦隔河也而無晉洛潞澤等州皆七國時韓地為並趙西境也

而無

彊兵之救是亡社稷奈何夫有高世之名必有遺俗之

累吾欲胡服樓緩曰善羣臣皆不欲于是肥義侍王曰

簡襄主之烈計胡翟之利為人臣者寵有孝悌長幼順

明之節通有補民益主之業

寵貴寵也通達理也凡為人臣有孝弟長幼順明之

節制者得貴寵也有補民益主之功業者為達理也

此兩者臣之分也今吾欲繼

襄主之跡開于胡翟之鄉而卒世不見也

卒子律反盡也言盡世間

不見補民益主之忠臣也為敵弱

我為胡服敵人也

用力少而功多可以

毋盡百姓之勞而序往古之勲

厚重也往古謂趙簡子襄子也

夫有高

世之功者負遺俗之累

負留也言古周公孔子留衣冠禮義之俗今變為胡服是負留

風俗之謫累也有獨智之慮者任驚民之怨

言世有獨計智之思慮者必任隱逸

教慢之民
怨望也

今吾將胡服騎射以教百姓而世必議寡人
奈何肥義曰臣聞疑事無功疑行無名王既定負遺俗
之慮殆無顧天下之議矣夫論至德者不和于俗成大
功者不謀于衆昔者舜舞有苗禹袒裸國非以養欲而
樂志也務以論德而約功也愚者闇成事智者覩未形
則王何疑焉王曰吾不疑胡服也吾恐天下笑我也狂
夫之樂智者哀焉愚者所笑賢者察焉世有順我者胡
服之功未可知也雖驅世以笑我胡地中山吾必有之

于是遂胡服矣使王縹告公子成曰寡人胡服將以朝也亦欲叔服之家聽于親而國聽于君古今之公行也子不反親臣不逆君兄弟之通義也今寡人作教易服而叔不服吾恐天下議之也制國有常利民為本從政有經令行為上明德先論于賤而行政先信于貴今胡服之意非以養欲而樂志也事有所止而功有所出元鄭云止至也為人君止於仁為人臣止於敬為人子止於孝為人父止於慈與國人交止於信按出猶成也

成功立然後善也今寡人恐叔之逆從政之經以輔叔

之議且寡人聞之事利國者行無邪因貴戚者名不累
故願慕公叔之義以成胡服之功使縹謁之叔請服焉
公子成再拜稽首曰臣固聞王之胡服也臣不佞寢疾
未能趨走以滋進也王命之臣敢對因竭其愚忠曰臣
聞中國者蓋聰明徇智之所居也萬物財用之所聚也
賢聖之所教也仁義之所施也詩書禮樂之所用也異
敏技能之所試也遠方之所觀赴也蠻夷之所義行也
今王舍此而襲遠方之服變古之教易古之道逆人之

心而怫學者離中國故臣願王圖之也使者以報王曰
吾固聞叔之疾也我將自往請之王遂往之公子成家
因自請之曰夫服者所以使用也禮者所以便事也聖
人觀鄉而順宜因事而制禮所以利其民而厚其國也

夫翦髮文身錯臂左衽甌越之民也

按屬南越故言甌越也輿地志云交

趾周時為貉越秦時曰西甌文身斷髮避龍則西甌貉又在番吾之西南越及甌貉皆羊姓也世本云越羊姓也與楚同黑齒雕題却冠絺綌大吳之國也故禮服莫

祖是也

同其便一也鄉異而用變事異而禮易是以聖人果可

以利其國不一其用果可以便其事不同其禮儒者一
師而俗異中國同禮而教離況於山谷之便乎故去就
之變智者不能一遠近之服賢聖不能同窮鄉多異曲
學多辨不知而不疑異于已而不非者公焉而衆求盡
善也今叔之所言者俗也吾所言者所以制俗也吾國
東有河薄洛之水按安平縣屬定州也與齊中山同之爾時齊與中山相親
中山趙共薄洛水故言與齊中山同之須有舟楫之備無舟楫之用自常山以至
代上黨東有燕東胡之境而西有樓煩秦韓之邊今無

騎射之備故寡人無舟楫之用夾水居之民將何以守
河薄洛之水變服騎射以備燕三胡秦韓之邊且昔者
簡主不塞晉陽以及上黨而襄主并戎取代以攘諸胡
此愚智所明也先時中山負齊之彊兵侵暴吾地係累
上音計下
力追反 吾民引水圍鄔鄔社稷之神靈則鄔幾于不

守也先王醜之而怨未能報也今騎射之備近可以便
上黨之形而遠可以報中山之怨而叔順中國之俗以
逆簡襄之意惡變服之名以忘鄔事之醜非寡人之所

望也公子成再拜稽首曰臣愚不達于王之義敢道世俗之聞臣之臬也今王將繼簡襄之意以順先王之志臣敢不聽命乎再拜稽首乃賜胡服明日服而朝于是始出胡服令也趙文趙造周紹趙俊皆諫止王毋胡服如故法便王曰先王不同俗何古之法帝王不相襲何禮之循處戲神農教而不誅黃帝堯舜誅而不怒及至三王隨時制法因事制禮法度制令各順其宜衣服器械各便其用故禮也不必一道而使國不必古聖人之

興也不相襲而王夏殷之衰也不易禮而滅然則反古
未可非而循禮未足多也且服奇者志淫則是鄒魯無
奇行也俗辟者民易則是吳越無秀士也且聖人利身
謂之服便事謂之禮夫進退之節衣服之制者所以齊
常民也非所以論賢者也故齊民與俗流賢者與變俱
故諺曰以書御者不盡馬之情以古制今者不達事之
變循法之功不足以高世法古之學不足以制今子不
及也遂胡服招騎射二十年王略中山地至寧葭西略

胡地至榆中

勝州北河北岸也

林胡王獻馬歸使樓緩之秦仇

液之韓王賁之楚富丁之魏趙爵之齊代相趙固主胡

致其兵二十一年攻中山趙招為右軍許鈞為左軍公

子章為中軍王并將之牛翦將車騎趙希并將胡代趙

與之陘

與音與陘音荆陘陘山也在并州陘縣東南八里然趙希并將代趙之兵與諸軍向并陘之

側共出定州上曲陽縣合軍

合軍曲陽

括地志云上曲陽故城在定州

曲陽縣西五里按合軍曲陽

攻取丹丘

蓋邢州丹丘縣也

括地志云北岳有五別名一曰蘭臺府二曰列女宮三曰華陽臺四曰紫臺五曰太一宮按此岳恒山在定州恒陽縣

北百四 鴟之塞

上昌之反下先代反徐廣曰鴟一作鴻上故關今名汝城在定州唐縣東北六十里

十里本晉鴻上關城也又有鴻上水源出唐縣北葛洪山接北岳恒山與鴻上塞皆在定州然一本作鳴字誤

也 王軍取鄆石邑

括地志云石邑故城在恒州鹿泉縣南三十五里六國時舊邑 封龍

括地志云封龍山一名飛龍山在恒州鹿泉縣南四十五里邑因山為名 東垣中山獻四邑

和王許之罷兵二十三年攻中山二十五年惠后卒使

周祢胡服傳王子何二十六年復攻中山攘地北至燕

代西至雲中九原二十七年五月戊申大朝于東宮傳

國立王子何以為王王廟見禮畢出臨朝大夫悉為臣

肥義為相國并傳王是為惠文王惠文王惠后吳娃子也武靈王自號為主父主父欲令子主治國而身胡服將士大夫西北略胡地而欲從雲中九原直南襲秦于是詐自為使者入秦秦昭王不知已而怪其狀甚偉非人臣之度使人逐之而主父馳已脫關矣審問之乃主父也秦人大驚主父所以入秦者欲自略地形因觀秦王之為人也惠文王二年主父行新地遂出代西過樓煩王于西河而致其兵三年滅中山遷其王于膚施

今延

州屬施縣也

起靈壽北地方從代道大通還歸行賞大赦置

酒酺五日封長子章為代安陽君

括地志云東安陽故城在朔州定襄縣界

地志云東安陽縣屬代郡

章素侈心不服其弟所立主父又使田不

禮相章也李兌謂肥義曰公子章彊壯而志驕黨衆而

欲大殆有私乎田不禮之為人也忍殺而驕二人相得

必有謀陰賊起一出身徼幸夫小人有欲輕慮淺謀徒

見其利而不顧其害同類相推俱入禍門以吾觀之必

不久矣子任重而勢大亂之所始禍之所集也子必先

患仁者愛萬物而智者備禍于未形不仁不智何以為
國子奚不稱疾毋出傳政于公子成毋為怨府毋為禍
梯肥義曰不可昔者主父以王屬義也曰毋變而度毋
異而慮堅守一心以歿而世義再拜受命而籍之今畏
不禮之難而忘吾籍變孰大焉進受嚴命退而不全負
孰甚焉變負之臣不容于刑諺曰死者復生生者不愧
肥義報李充云必盡傳何為王不可懼章及田不禮而
生異心使死者復更變生并見在生者並見傳王無變
今我不愧之
若苟息也
吾言已在前矣吾欲全吾言安得全吾身

且夫貞臣也難至而節見忠臣也累至而行明子則有
賜而忠我矣雖然吾有語在前者也終不敢失李光曰
諾子勉之矣吾見子已今年耳涕泣而出李光數見公
子成以備田不禮之事異日肥義謂信期曰

上音申也公子

與田不禮甚可憂也其于義也聲善而實惡此為人也
不子不臣吾聞之也姦臣在朝國之殘也讒臣在中主
之蠹也此人貪而欲大內得主而外為暴矯令為慢以
擅一旦之命不難為也禍且逮國今吾憂之夜而忘寐

饑而忘食盜賊出入不可不備自今以來若有召王者
必見吾面我將先以身當之無故而王乃入信期曰善
哉吾得聞此也四年朝羣臣安陽君亦來朝主父令王
聽朝而自從旁觀窺羣臣宗室之禮見其長子章儼然
也反北面為臣詘于其弟心憐之于是乃欲分趙而王
章于代計未決而輟主父及王游沙丘異宮
在邢州平鄉縣東北
二十公子章即以其徒與田不禮作亂詐以主父令召
王肥義先入殺之高信即與王戰公子成與李兌自國

至乃起四邑之兵入距難殺公子章及田不禮滅其黨
賊而定王室公子成為相號安平君李兌為司寇公子
章之敗往走主父主父聞之

謂不責其反叛之
罪容其入宮藏也

成兌因

圍主父宮公子章死公子成李兌謀曰以章故圍主父
即解兵吾屬夷矣乃遂圍主父令宮中人後出者夷宮

中人悉出主父欲出不得又不得食探爵轂而食之三

月餘而餓死沙丘宮

枯地志云趙武靈王墓在蔚州主
靈丘縣東三十里應詠是也

父定死乃發喪赴諸侯是時王少成兌專政畏誅故圍

主父主父初以長子章為太子後得吳娃愛之為不出
者數歲生子何乃廢太子章而立何為王吳娃死愛弛
憐故太子欲兩王之猶豫未決故亂起以至父子俱死
為天下笑豈不痛乎主父死惠文王立立五年與燕鄭

易八年城南行唐

行寒庚反括地志云行唐縣屬冀州為南行唐築城

九年趙梁

將與齊合軍攻韓至魯關下

劉伯莊云蓋在南河魯陽關按汝州魯山縣古穀陽

縣及十年秦自置為西帝十一年董叔與魏氏伐宋得

河陽于魏秦取梗陽

括地志云梗陽故城在并州清源縣南百二十步分晉陽縣置本漢

榆次縣地春秋晉大夫祁氏邑也

十二年趙梁將攻齊十三年韓徐為

將攻齊公主死十四年相國樂毅將趙秦韓魏燕攻齊

取靈丘

蔚丘縣也與秦會中陽

括地志云中陽故縣在汾州偃城縣南十里漢中陽縣也

十五年燕昭王來見趙與韓魏秦共擊齊齊王敗走燕獨深入取臨菑十六年秦復與趙數擊齊人患之蘇厲

為齊遺趙王書曰臣聞古之賢君其德行非布于海內也教順非洽于民人也祭祀時享非數常于鬼神也甘露降時雨至年穀豐熟民不疾疫衆人善之然而賢主

圖之今足下之賢行功力非數加于秦也怨毒積怒非
素深于齊也秦趙與國以彊徵兵于韓秦誠愛趙乎其
實憎齊乎物之甚者賢主察之秦非愛趙而憎齊也欲
亡韓而吞二周故以齊餽天下恐事之不合故出兵以
劫魏趙恐天下畏已也故出質以為信恐天下亟反也
故徵兵于韓以威之聲以德與國實而伐空韓臣以秦
計為必出于此夫物固有勢異而患同者楚久伐而中
山亡今齊久伐而韓必亡破齊王與六國分其利也亡

韓秦獨擅之攸二周西取祭器秦獨私之賦田計功王之

獲利孰與秦多說士之計曰韓亡三川

河南之地兩州之間魏亡

晉國

河北之地安邑河內

市朝未變而禍已及矣燕盡齊之北地

去沙丘鉅鹿歛三百里

沙丘邢州也鉅鹿冀州也齊北界貝州也歛滅也言破齊滅韓

之後燕之南界秦之東界相去減三百里趙國在中間也矣

韓之上黨去邯鄲百里

燕秦謀王之河山間三百里而通矣秦之上郡

酈延等州也

近挺關至于榆中者千五百里秦以三郡攻王之上黨

秦上黨郡今澤潞儀沁等四州之地兼相州之半韓總有之至七國時趙得儀沁二州之地韓猶有潞州及澤

州之半牛屬趙魏沁州在羊腸坂之西儀并代三州在
勾注山之南秦以三郡攻趙之澤潞則勾注之南趙無
地然秦始皇置上黨郡此言之者羊腸之西太行山坂
太史公却引前書也他皆倣此道名南屬

懷州北
屬澤州

勾注之南

勾注山在代
州西北也

非王有已踰勾注斬常

山而守之三百里而通于燕代馬胡犬不東下

言秦踰
勾注山

斬常山而守之西北代馬胡犬不東入趙沙州崑山
之玉亦不出至趙矣郭璞云胡地野大似狐而小

昆

山之玉不出此三寶者亦非王有已王久伐齊從彊秦

攻韓其禍必至于此願王孰慮之且齊之所以伐者以

事王也

以趙王為事也
而秦必伐之也

天下屬行以謀王也
上音燭下
胡郎反言

秦欲令齊稱帝與約五燕秦之約成而兵出有日矣五

國共滅趙三分趙地

國三分王之地謂秦齊韓魏燕三分趙之地也

齊倍五國之約而殉王

之患

齊王以身從趙王之患也

西兵以禁彊秦秦廢帝請服

言秦齊相約欲

更重稱帝故言廢帝也

反高平根柔于魏

迂還也括地志云高平故城在懷州河陽縣西

四十里紀年云魏哀王改向日

反垓分先俞于趙

垓音邢分

字誤當作山字耳括地志云勾注山一名西陘山在代

州鴈門縣西北四十里俞音戍郭注云西陘即鴈門山

也按西先聲相近蓋陘山西陘二山齊之事王宜為上

伐而今乃抵臯

謂共秦伐齊也

臣恐天下後事王者之不敢自

必也願王孰計之也今王母與天下攻齊天下必以王
為義齊抱社稷而厚事王天下必盡重王義王以天下
善秦秦暴王以天下禁之是一世之名寵制于王也于

是趙乃輟謝秦不擊齊王與燕王遇廉頗將攻齊昔陽

括地志云昔陽故城一名陽城在并州樂平縣東春秋
釋地名云昔陽服國所都也樂平城治縣東昔陽城服

姓自狄別種也樂平
縣城漢治縣城也取之十七年樂毅將趙師攻魏伯

陽括地志云伯陽故城一名邯鄲城在相州
鄴縣西五十五里七國時魏邑漢邯鄲會城而秦怨趙

不與已擊齊伐趙拔我兩城十八年秦拔我石城

地理志云

右北平有石城縣括地志云石城在相州林慮縣西南九十里疑相州石城是王再之衛東陽

決河水

括地志云東陽故城故城在貝州歷亭縣界按東陽先屬衛今屬趙河歷貝州南東北流過河

南岸即魏地也故言王再之衛東陽伐魏氏也伐魏氏大潦漳水出魏冉來相

趙十九年秦敗我二城趙與魏伯陽趙奢將攻齊麥丘

取之二十年廉頗將攻齊王與秦昭王遇西河外二十

一年趙徙漳水武平西

括地志云武平亭今名渭城在瀛州文安縣北七十二里按二

十七年又徙二十二年大疫置公子丹為太子二十三

年樓昌將攻魏幾

音祈傳云伐齊幾拔之又戰國策云秦敗閼與及攻魏幾按幾邑或屬

齊或屬魏當在不能取十二月廉頗將攻幾取之二十
相路之間也

四年廉頗將攻魏房子拔之因城而還又攻安陽取之二

十五年燕周將攻昌

括地志云故昌城在淄州淄川縣東北四十里也

城高唐

取之與魏共擊秦秦將白起破我華陽

括地志云故華陽城在鄭州管

城縣南四十里司馬彪云華陽亭在今洛州密縣是時魏韓趙聚兵于華陽西攻秦得一將軍二

十六年取東胡

今營州也

歐伐地二十七年徙漳水武平南

封趙豹為平陽君河水出大潦二十八年藺相如伐齊

至平邑

括地志云平邑故城在魏州昌樂縣東北四十里也

罷城北九門大城

恒州

九門縣城

燕將成安君公孫操弒其王二十九年秦韓相攻

而圍關與

上於連反下音預括地志云關與聚落今名烏蘇城在潞州銅鞮縣西北二十里又儀州

順和縣城亦云韓關與邑二所未詳又有

關與山在潞州武安縣西五十里蓋是也趙使趙奢將

擊秦大破秦軍關與下賜號為馬服君

因馬服山為號也虞喜志林云

馬兵之首也號曰馬服者言能服馬也括地志云馬服山即鄆縣西北十里也

三十三年惠文

王卒太子丹立是為孝成王孝成王元年秦伐我拔三

城趙王新立太后用事秦急攻之趙氏求救于齊齊曰

必以長安君

長安君者以長安善故名也

為質兵乃出太后不肯大

臣彊諫太后明謂左右曰復言長安君為質者老婦必唾其面左師觸龍言願見太后太后盛氣而胥之入徐趨而坐自謝曰老臣病足曾不能疾足不得見久矣竊自恕而恐太后體之有所苦也故願望見太后太后曰老婦恃輦而行曰食得毋衰乎曰恃粥耳曰老臣閒者殊不欲食乃彊步日三四里少益嗜食和于身也太后曰老婦不能太后不和之色少解左師公曰老臣賤息舒祺最少不肖而臣衰竊憐愛之願得補黑衣之缺以

衛王宮昧死以聞太后曰敬諾年幾何矣對曰十五歲矣雖少願及未填溝壑而託之太后曰丈夫亦愛憐少子乎對曰甚于婦人太后笑曰婦人異甚對曰老臣竊以為媼之愛燕后賢于長安君太后曰君過矣不若長安君之甚左師公曰父母愛子則為之計深遠媼之送燕后也持其踵為之泣念其遠也亦哀之矣已行非不思也祭祀則祝之曰必勿使反豈非計長久為子孫相繼為王也哉太后曰然左師公曰今三世以前至于趙

主之子孫為侯者其繼有在者乎曰無有曰微獨趙諸
侯有在者乎曰老婦不聞也曰此其近者禍及其身遠
者及其子孫豈人主之子侯則不善哉位尊而無功奉
厚而無勞而挾重器多也今媼尊長安君之位而封之
以膏腴之地多與之重器而不及今令有功于國一旦
陵崩長安君何以自託于趙老臣以媼為長安君之
言短也故以為愛之不若燕后太后曰諾恣君之所使
之于是為長安君約車百乘質于齊齊兵乃出子義聞

之曰人主之子骨肉之親也猶不能持無功之尊無勞

之奉而守金玉之重也而況于予乎齊安平君

括地志云安平

城在青州臨海縣東十九里古紀之鄧邑也

田單將趙師而攻燕中陽

燕無中陽

括地志云中山故城一名中人亭在定州唐縣東北四十一里爾時屬燕國也拔之又攻韓注

人邑名也括地志云注城在汝州梁縣西十五里蓋是其地也

拔之二年惠文后卒

田單為相四年王夢衣偏袷之衣

杜預云偏左右異色袷在中左右異故曰

偏袷衣背縫也

乘飛龍上天不至而墜見金玉之積如山明

日王召筮史敢占之曰夢衣偏袷之衣者殘也乘飛龍

上天不至而墜者有氣而無實也見金玉之積如山者
憂也後三日韓氏上黨守馮亭使者至曰韓不能守上
黨入之于秦其吏民皆安為趙不欲為秦有城市邑十
七願再拜入之趙財王所以賜吏民王大喜召平陽君
豹告之曰馮亭入城市邑十七受之何如對曰聖人甚
禍無故之利王曰人懷吾德何謂無故乎對曰夫秦蠶
食韓氏地中絕不令相通固自以為坐而受上黨之地
也韓氏所以不入于秦者欲嫁其禍于趙也秦服其勞

而趙受其利雖彊大不能得之于小弱小弱顧能得之

于彊大乎豈可謂非無故之利哉且夫秦以牛田之蠶秦

食韓氏國中斷不通夫牛耕田種穀至秋則收之成熟之義也言秦代韓上黨勝有日矣若牛田之必冀收穫

矣水通糧秦從渭水漕糧東入蠶食上乘倍戰者乘承

蠶食桑葉漸進必盡也司馬法云百畝為夫夫三為屋屋三為井井十為通通十為城城出革車一乘七十二

人也上乘天下第一也倍戰力攻也裂上國之地上國

韓國四戰之地軍士慣習倍于餘國秦地

也言韓上黨之地以列為秦國之地其政已其政行不行趙不可與秦作難必莫受馮亭十七邑也

可與為難必勿受也王曰今發百萬之軍而攻踰年厯

歲未得一城也今以城市邑十七幣吾國

馮亭將十七邑入趙若幣

帛之見遺此大利也

此大利也趙豹出王召平陵君與趙禹而告

之對曰發百萬之軍而攻踰歲未得一城今坐受城市

邑十七此大利不可失也王曰善乃令趙勝受地告馮

亭曰敝國使者臣勝敝國君使勝致命以萬戶都三封

太守

爾時未合言太守至漢景帝始加太守此言太衍字也

千戶都三封縣令皆

世世為侯吏民皆益爵三級吏民能相安皆賜之六金

馮亭垂涕不見使者曰吾不處三不義也為主守地不

能死固不義一矣入之秦不聽主令不義二矣賣主地而食之不義三矣趙遂發兵取上黨廉頗將軍軍長平

括地志云長平故城在澤州高平縣西二十一里即白起敗括于長平處七年廉頗免而趙

括代將秦人圍趙括趙括以軍降卒四十餘萬皆阬之王悔不聽趙豹之計故有長平之禍焉王還不聽秦秦

圍邯鄲武垣令

括地志云武垣故城今瀛州城是也

傳豹王容蘇射率燕

衆反燕地

武垣北是屬趙與燕接境故云率燕衆反燕地也

趙以靈丘

括地志云靈丘

蔚州理縣也

封楚相春申君八年平原君如楚請救還楚來

救及魏公子無忌亦來救

魏公子傳云趙王以鄙為公子湯沐邑年表云九年公子

無忌救邯鄲圍在九年其文錯誤耳

秦圍邯鄲乃解十年燕攻昌壯

壯字誤當

作城括地志云昌城故城在冀州信都縣西北五里此時屬趙故攻之也

五月拔之趙將樂

乘慶舍攻秦信梁軍破之

信梁蓋王毚號也秦本紀云昭襄王五十年王毚從唐拔

寧新中寧新中更名安陽今相州理縣也

太子死而秦

攻西周拔之徒父祺出

趙見秦拔西周故令徒父祺將兵出境也

十一年城

元氏

元氏趙州縣也

縣上原武陽君鄭安平死收其地十二年

邯鄲屠燒十四年平原君趙勝死十五年以尉文封相

國廉頗為信平君

尉文益蔚州人也信平廉頗號也言篤信而平和也

燕王令丞

相栗腹約驪以五百金為趙王酒還歸報燕王曰趙氏壯者皆死長平其孤未壯可伐也王召昌國君樂閒而問之對曰趙四戰之國也其民習兵伐之不可王曰吾以衆伐寡二而伐一可乎對曰不可王曰吾即以五而代一可乎對曰不可燕王大怒羣臣皆以為可燕卒起二軍車二千乘栗腹將而攻鄢鄉秦將而攻代廉頗為趙將破殺栗腹虜卿秦樂間

三人皆燕將姓也

十六年廉頗圍燕

以樂乘為武襄君

襄舉也上也言樂乘功最高也

十七年假相大將武

襄君攻燕圍其國十八年延陵鈞率師從相國平君助

魏攻燕秦拔我榆次三十七城十九年趙與燕易土以

龍亢

括地志云北新城故城在易州遂南城縣西南二十里按遂城縣西南二十五里有龍山邢子勵趙

記云龍山有四麓各有一穴大如車輪春風出東秋風出西夏風出南冬風出北不相奪倫按蓋謂龍亢也

汾門

括地志云易州永樂縣有徐水出廣昌嶺三源奇發同湯一澗流至北平縣東南歷石門中俗謂之

龍門水經其間奔激南出解石城并蓋臨樂括地志云汾字誤也遂城及永樂安新城縣地也臨樂臨鄉故城

在幽州同安與燕燕以葛武陽

括地志云故葛城又名西河城在瀛州高陽縣

西北五十里

平舒

括地志云平舒故城在蔚州靈丘縣北九十三里也

與趙二十年秦

王攻初立秦拔我晉陽二十一年孝成王卒廉頗將攻

繁陽

括地志云繁陽故城在相州內黃縣東北取之使

樂乘代之廉頗攻樂乘樂乘走廉頗亡入魏子偃立是

為悼襄王悼襄王元年大備

行大備之禮也

魏欲通平邑中牟

之道不成

平邑在魏州昌樂縣東北三十里相州汾陰縣西五十八里有牟山按中牟山之側時二

邑皆屬魏欲渡黃河作道相通遂不成也

二年李牧將攻燕拔武遂方城

括地

志云易州遂城戰國時武遂城也方城故在幽州秦召固安縣南十七里時二邑屬燕趙使李牧拔之也

春平君因而留之泄鈞

人姓名也

為之謂文信侯曰春平君

者趙王甚愛之而郎中妬之故相與謀曰春平君入秦

秦必留之故相與謀而內之秦也今君留之是絕趙而

郎中之計中也君不如遣春平君而留平都

輿地里志云平都縣

在新興郡與陽周縣相近

春平君者言行信于王王必厚割趙而

贖平都文信侯曰善因遣之

按太子即春平君也

城韓臯三年龐

煖將攻燕禽其將劇辛四年龐煖將趙楚魏燕之銳師

攻秦最不拔移攻齊取饒安

饒安滄州縣也七國時屬齊戰國時屬趙

五年

傅抵

上音付下音邨趙將姓名

將居平邑慶舍將東陽

屬貝州在河北岸也河

外師守河梁

州外河南岸魏州地也河梁橋

六年封長安君以饒

即饒陽也

瀛州饒陽縣東二十里饒陽故城漢縣也明長安縣是號也

魏與趙鄴九年趙攻燕

取狸陽城

按燕無狸陽疑狸字誤當作漁陽故城在檀州密雲縣南十八里燕漁陽郡城也按趙東

界至瀛州則檀州在北趙攻燕取漁陽城也

兵未罷秦攻鄴拔之悼襄王卒

子幽繆王遷立幽繆王遷元年城栢人二年秦攻武城

扈輒率師救之軍敗死焉三年秦攻赤麗宜安

括地志云宜安

故城在恒州橐城縣西南二十里也

李牧率師與戰肥下

括地志云肥橐故城在恒州橐

城縣西北里春秋時肥子國白狄別種也却之封牧為武安君四年秦攻番

吾

上音婆又音盤又作蒲括地志云蒲吾城在恒州房山縣東二十里也

李牧與之戰却

之五年代地大動自樂徐以西北至平陰

樂徐在晉州平陰在汾也

臺屋墻垣太半壞地坼東西百三十步

其拆溝見在亦在晉汾二州界

也六年大饑民謠言曰趙為號秦為笑以為不信視地

之生毛七年秦人攻趙趙大將李牧將軍司馬尚將擊

李牧誅司馬尚免趙忽及齊將顏聚代之趙忽軍破顏

聚亡去以王遷降

淮南子云趙王遷流於陵房思故鄉則為作山木之謳聞之者莫不隕涕

括地志云趙王遷墓在房州房陵縣西九里也

八年十月邯鄲為秦

太史公曰吾聞馮王孫曰趙王遷其母倡也嬖於悼襄王悼襄王廢適子嘉而立遷遷素無行信讒故誅其良將李牧用郭開豈不謬哉秦既虜遷趙之亡大夫共立嘉為王王代六歲秦進兵破嘉遂滅趙以為郡

史記正義卷四十三

欽定四庫全書

史記正義卷四十四

唐 張守節 撰

魏世家第十四

史記四十四

魏之先畢公高之後也畢公高與周同姓武王之伐紂

而高封于畢

括地志云畢原在雍州萬年縣西南二十八里

于是為畢姓其後

絕封為庶人或在中國或在夷狄其苗裔曰畢萬事晉

獻公獻公之十六年趙夙為御畢萬為右以伐霍耿魏

滅之以耿封趙夙以魏封畢萬

魏城在陝州芮城縣北五里鄭元詩譜云魏姬

姓之國武王伐紂而封焉

為大夫卜偃曰畢萬之後必大矣萬滿數

也魏大名也以是始賞天開之矣天子曰兆民諸侯曰

萬民今命之大以從滿數其必有衆初畢萬卜事晉遇

屯之比辛廖占之曰吉屯固比入吉孰大焉其必蕃昌

畢萬封十一年晉獻公卒四子爭更立晉亂而畢萬之

世彌大從其國名為魏氏生武子魏武子以魏諸子事

晉公子重耳晉獻公之二十一年武子從重耳出亡十

九年反重耳立為晉文公而令魏武子襲魏氏之後封

列為大夫治于魏生悼子魏悼子徙治霍

晉州霍邑縣漢縣也後

漢改曰永安隋改曰霍邑本春秋時霍伯國也

生魏絳魏絳事晉悼公悼公三

年會諸侯悼公弟楊干亂行魏絳僇辱楊干悼公怒曰

合諸侯以為榮今辱吾弟將誅魏絳或說悼公悼公止

卒任魏絳政使和戎翟戎翟親附悼公之十一年曰自

吾用魏絳八年之中九合諸侯戎翟和子之力也賜之

樂三讓然後受之徙治安邑

安邑在絳州夏縣安邑故城是

魏絳卒謚

為昭子生魏嬴嬴生魏獻子獻子事晉昭公昭公卒而六
卿彊公室卑晉頃公之十二年韓宣子老魏獻子為國
政晉宗室祁氏羊舌氏相惡六卿誅之盡取其邑為十
縣六卿各令其子為之大夫獻子與趙簡子中行文子
范獻子並為晉卿其後十四歲而孔子相魯後四歲趙
簡子以晉陽之亂也而與韓魏共攻范中行氏魏獻子
生魏侈魏侈與趙鞅共攻范中行氏魏侈之孫曰魏桓
子與韓康子趙襄子共伐滅知伯

知音智括地志云故
智城在蒲州虞鄉縣

西北四十里古今地名云分其地桓子之孫曰文侯都解縣有智城蓋謂此也

魏文侯元年秦靈公之元年也與韓武子趙桓子周威王同時六年城少梁十三年使子擊圍繁龐出其民十六年伐秦築臨晉元里十七年伐中山使子擊守之趙倉唐傳之子擊逢文侯之師田子方于朝歌引車避下謁田子方不為禮子擊因問曰富貴者驕人乎且貧賤者驕人乎子方曰亦貧賤者驕人耳夫諸侯而驕人則失其國大夫而驕人則失其家貧賤者行不合言不用

則去之楚越若脫躡然奈何其同之哉子擊不懌而去

西攻秦至鄭而還築雒陰合陽

雒漆沮水也城在水南
郃陽郃水之北括地志

云郃陽故城在同州河西縣
南三里雒陰在同州西也

二十二年魏趙韓列為諸

侯二十四年秦伐我至陽狐

括地志云陽狐郭在魏州
元城縣東北三十里也

二十五年子擊生子瑩文侯受子夏經藝客段干木過

其閭未嘗不軾也

過先卧反文侯軾干木閭也皇甫謐
高士傳云木晉人也守道不仕魏文

侯欲見造其門干木踰牆避之文侯以客禮待之出過
其閭而軾其僕曰君何軾曰段干木賢者也不趣勢利

懷君子之道隱處窮巷聲馳千里吾安得勿軾干木先
子德寡人先乎勢干木富乎義寡人富乎財勢不若德

賁財不若義高又請為相不肯後卑已固請見與語文侯立倦不敢息淮南子云段干木晉之大駟而為文侯師呂氏春秋云魏文侯見段干木立倦而不敢息及見翟璜踞于堂而與之言翟璜不悅文侯曰段干木官之則不肯祿之則不受今汝欲官則相至欲祿則上卿至既受吾賁又責吾禮無乃難乎秦嘗欲伐

魏或曰魏君賢人是禮國人稱仁上下和合未可圖也

文侯由此得譽于諸侯任西門豹守鄴而河內稱治

古帝

王之都多在河東河北故呼河北為河內河南為河外又云河從龍門南至華陰東至衛州即東北入海曲統冀州故言魏文侯謂李克曰先生嘗教寡人曰家貧則河內云也

思良妻國亂則思良相今所置非成則璜二子何如李

克對曰臣聞之卑不謀尊疎不謀戚臣在闕門之外不敢當命文侯曰先生臨事勿讓李克曰君不察故也居視其所親富視其所與達視其所舉窮視其所不為貧視其所不取五者足以定之矣何代克哉文侯曰先生就舍寡人之相定矣李克趨而出過翟璜之家翟璜曰今者聞君召先生而卜相果誰為之李克曰魏成子為相矣翟璜忿然作色曰以耳目之所覩記臣何負于魏成子西河之守臣之所進也君內以鄴為憂臣進西門

豹君謀欲伐中山臣進樂羊中山已拔無使守之臣進
先生君之子無傳臣進屈侯鮒臣何以負于魏成子李
克曰且子之言克于子之君者豈將比周以求大官哉
君問而置相非成則璜二子何如克對曰君不察故也
居視其所親富視其所與達視其所舉窮視其所不為
貧視其所不取五者足以定之矣何待克哉是以知魏
成子之為相也且子安得與魏成子比乎魏成子以食
祿千鍾什九在外什一在內是以東得卜子夏田子方

段干木此三人者君皆師之子之所進五人者君皆臣之子惡得與魏成子比也翟璜逡巡再拜曰璜鄙人也失對願卒為弟子二十六年號山崩壅河

括地志云號山在陝州陝

縣西二里臨黃河今臨河有崗阜似是顏山之餘也

三十二年伐鄭城酸棗敗秦

于注

括地志云注城在汝州梁縣西十五里注或作鑄也

三十五年齊伐取我襄

陵三十六年秦侵我陰晉三十八年伐秦敗我武下

括地

志云故武城一名武之平城在華州鄭縣東十三里

得其將識是歲文侯卒子擊

立是為武侯魏武侯元年趙敬侯初立公子朔為亂不

勝奔魏與魏襲邯鄲魏敗而去二年城安邑王垣

括地志云故城

漢垣縣本魏王垣也在絳州垣縣西北二十里也

七年伐齊至桑丘

年表云齊伐燕取桑

丘故魏救燕伐齊至桑丘也括地志云桑丘故城俗名澮城在易州遂城縣界也

九年翟敗我

于澮

括地志云澮高山又云澮山在絳州翼城縣東北二十五里澮水出北山也

使吳起伐

齊至靈丘

靈丘蔚州縣也時屬齊故三晉伐之也

齊威王初立十一年與

韓趙三分晉地滅其後十三年秦獻公縣櫟陽十五年

敗趙北蘭

在石州趙之西北屬趙故云趙北蘭也

十六年伐楚取魯陽

今汝

州魯山縣也

武侯卒子瑩立是為惠王惠王元年初武侯卒

也子瑩與公中緩

中音仲

爭為太子公孫頌自宋入趙自

趙入韓謂韓懿侯曰魏瑩與公中緩爭為太子君亦聞

之乎今魏瑩得王錯挾上黨固半國也因而除之

按除魏

瑩及王錯也

破魏必矣不可失也懿侯說乃與趙成侯合軍

并兵以伐魏戰于濁澤魏氏大敗魏君為趙謂韓曰除

魏君立公中緩割地而退我且利韓曰不可殺魏君人

必曰暴割地而退人必曰貪不如兩分之魏分為兩不

彊于宋衛則我終無魏之患矣趙不聽韓不說以其少

卒夜去惠王之所以身不死國不分者二家謀不和也

若從一家之謀則魏必分矣故曰君終無適子其國可

破也二年魏敗韓于馬陵敗趙于懷三年齊敗我觀音觀

館魏州觀城縣古之觀國語云觀國夏啓子太康第五弟之所封也夏衰滅之矣五年與韓會

宅陽城

括地志云宅陽故城一名北宅在鄭州滎陽縣東南十七里也

武堵為秦所敗

六年伐取宋儀臺九年伐敗韓于澮與韓戰少梁虜我將

公孫座取龐秦獻公卒子孝公立十年伐取趙皮牢彗

星見十二年星晝墜有聲十四年與趙會鄆十五年魯

衛宋鄭君來朝十六年與秦孝公會社平侵宋黃池宋復取之十七年與秦戰元里秦取我少梁圍趙邯鄲十八年拔邯鄲趙請救于齊齊使田忌孫臏救趙敗魏桂陵十九年諸侯圍我襄陵築長城塞固陽

塞先代反括地志云柶楊

縣漢舊縣也在銀州銀城縣界按魏築長城自鄭濱洛北庭銀州至勝州固陽縣為塞也固陽有連山東至黃河西南至夏會二十年歸趙邯鄲與盟漳水上

邯鄲洛州縣也

漳水名漳水源出洛州武安縣三門山也二十一年與秦會彤趙成侯卒二

十八年齊威王卒中山君相魏三十年魏伐趙

孫臏傳云魏與

趙攻韓韓告急齊此文誤耳魏伐趙趙請救齊齊使孫臏救趙敗魏桂陵乃在十八年也趙告急齊

齊宣王用孫子計救趙擊魏魏遂大興師使龐涓將而

令太子申為上將軍過外黃外黃徐子

括地志云故圉城有南北二城

在沐州雍丘縣界本屬外黃謂太子曰臣有百戰百勝

之術太子曰可得聞乎客曰固願效之曰太子自將攻

齊大勝并莒

莒密州縣也在齊東南言從西破齊并至莒地則齊上盡矣

則富不過

有魏貴不益為王若戰不勝齊則萬世無魏矣此臣之

百戰百勝之術也太子曰諾請必從公之言而還矣客

曰太子雖欲還不得矣彼勸太子戰攻欲啖汁者衆

穿吸

悅反汁之入反
冀功勲者衆也

太子雖欲還恐不得矣太子因欲還其

御曰將出而還與北同太子果與齊人戰敗于馬陵

喜虞

志林云馬陵在濮州鄆城縣東北六十里有陵間谷深
峻可以置伏按龐涓敗即此也徐詵馬陵在魏州元城
縣東南一里龐涓敗非此地也田完世家云宣王二年
魏伐趙與韓觀共擊魏趙不利戰于南梁韓氏請于齊
齊使田忌嬰將孫子為師救趙韓已擊魏大破之馬陵
按南梁在汝州又此傳云太子為上將軍過外黃又孫
臆傳云魏與趙攻韓韓告急齊齊使田忌將而往直走
大梁魏將龐涓聞之去韓而歸齊軍已過而西矣按孫
子減竈退軍三日行至馬陵遂殺龐涓虜魏太子申大
破魏軍營當如虞喜之說從汴州外黃退至濮州東北

六十里是也然趙韓共擊魏戰國於南梁韓急請救于齊齊師走大梁敗魏馬陵豈合更渡河北至魏州先城哉徐說定非也齊虜魏太子申殺將軍洧軍遂大破三十一年

秦趙齊共伐我秦將商君詐我將軍公子卬而襲奪其軍破之秦用商君東地至河而齊趙數破我安邑近秦

于是徙治大梁

陳留風俗傳云魏之都也畢萬以公子十葉徙大梁按今汴州浚儀也

赫為太子三十三年秦孝公卒商君亡秦歸魏魏怒不

入三十五年與齊宣王會平阿南惠王數敗于軍旅卑

禮厚幣以招賢者鄒衍淳于髡孟軻皆至梁梁惠王曰

寡人不佞兵三折于外太子虜上將死國以空虛以羞
先君宗廟社稷寡人甚醜之與不遠千里辱幸至弊邑
之廷將何以利吾國孟軻曰君不可以言利若是夫君
欲利則大夫欲利大夫欲利則庶人欲利上下爭利國
則危矣為人君仁義而已矣何以利為三十六年復與
齊王會甄是歲惠王卒子襄王立襄王元年與諸侯會
徐州相王也追尊父惠王為王五年秦敗我龍賈軍四
萬五千于雕陰

括地志云雕陰故縣在鄜州洛
交縣北三十里雕陰故城是也圍我焦

曲沃

括地志云故焦城在陝縣東北百步古號城中東北隅周同姓也曲沃有城在陝縣西南三十二里

按今有曲沃店也

予秦河西之地

自華州北至同州並魏河北之地盡入秦也

六年

與秦會應

應乙陵反括地志云故應城故應鄉也在汝州魯山縣東三十里

秦取我汾

陰皮氏

括地志云汾陰故城在蒲州汾陰縣北九里焦皮氏故城在絳州龍門縣西一百八十步也

魏伐楚敗之陘山

括地志云陘山在鄭州新縣西南三十里

七年魏盡入上

郡于秦

括地志云上郡故城在綏州上縣東南五十里秦魏之上郡地也按丹廓延綏等州北至固陽

並上郡地魏築長城界秦自華州鄭縣已北濱洛至慶州洛源縣自於山即東北至勝州固陽縣東至河西上

郡之地盡入于秦

秦降我蒲陽

在隰州隰川縣蒲邑故城是也

八年秦歸我焦

曲沃十二年楚敗我襄陵諸侯執政與秦相張儀會盟

桑十三年張儀相魏魏有女子化為丈夫秦取我曲沃

絳州桐鄉縣平周十三州志云古平周縣在汾周介休縣西五十里也十六年襄

王卒子哀王立張儀復歸秦哀王元年五國共攻秦韓魏

楚趙不勝而去二年齊敗我觀津括地志云觀津城在冀州棗陽縣東南二

十五里本趙五年秦使樗里子伐取我曲沃走犀首岸

門括地志云岸門在許州長社縣西北十八里今名西武亭六年秦求立公子政為

太子與秦會臨晉七年攻齊與秦伐燕八年伐衛拔列

城二衛君患之如耳

魏大夫姓名也

見衛君曰請罷魏兵免成

陵君可乎衛君曰先生果能孤請世世以衛事先生如

耳見成陵君曰昔者魏伐趙斷羊腸拔閼與

閼於連反與音預羊

腸坂道在太行山南口懷州北口潞州閼與故城在潞州及儀州若斷羊腸拔閼與北連恒州則趙國東西斷而為三也約斬趙趙分而為二所以不亡者魏為從主也

今衛已迫亡將西請事于秦與其以秦驛衛不如以魏

驛衛

驛音釋

衛之德魏必終無窮成陵君曰諾如耳見魏

王曰臣有謁于衛衛故周室之別也其稱小國多寶器

今國迫于難而寶器不出者其心以為攻衛驛衛不以
王為主故寶器雖出必不入于王也臣竊料之先言驛
衛者必受衛者也如耳出成陵君入以其言見魏王魏
王聽其說罷其兵免成陵君終身不見九年與秦王會
臨晉張儀魏章皆歸于魏魏相田需死楚害張儀犀首
薛公楚相昭魚謂蘇代曰田需死吾恐張儀犀首薛公
有一人相魏者也代曰然相者欲誰而君使之昭魚曰
吾欲太子之自相也代曰請為君北必相之昭魚曰奈

何對曰君其為梁王代請說君昭魚曰奈何對曰代也
從楚來昭魚甚憂曰田需死吾恐張儀犀首薛公有一
人相魏者也代曰梁王長主也必不相張儀張儀相必
右秦而左魏犀首相必右韓而左魏薛公相必右齊而
左魏梁王長主也必不便也王曰然則寡人孰相代曰
莫若太子之自相太子之自相是三人者皆以太子為
非常相也皆將務以其國事魏欲得丞相璽也以魏之
疆而三萬乘之國輔之魏必安矣故曰莫若太子之自

相也遂北見梁王以此告之太子果相魏十年張儀死

十一年與秦武王會應十二年太子朝于秦秦來伐我

皮氏未拔而解十四年秦來歸武王后十六年秦拔我

蒲反陽晉封陵

陽晉當作晉陽也史文誤括地志云晉陽故城今名晉城在蒲州虞鄉縣西三

十五里表云魏哀王十六年秦杜陽晉陽即此城也十

封陵亦在蒲州按陽晉故城在曹州解在蘇秦傳也

七年與秦會臨晉秦予我蒲反十八年與秦伐楚二十

一年與齊韓共敗秦軍函谷二十三年秦復予我河外

及封陵為和哀王卒子昭王立昭王元年秦拔我襄城

二年與秦戰我不利三年佐韓攻秦秦將白起敗我軍

伊闕二十四萬六年予秦河東地方四百里芒卯以詐

重七年秦拔我城大小六十一八年秦昭王為西帝齊

湣王為東帝月餘皆復稱王歸帝九年秦拔我新垣曲

陽之城

年表及括地志云曲陽故城在懷州濟源縣西十里新垣近曲陽未詳端的所之處也十

年齊滅宋宋王死我湍十二年與秦趙韓燕共伐齊敗

之濟西湣王出亡燕獨入臨菑與秦王會西周

即王城也今河

南郡城也

十三年秦拔我安城

括地志云安城故城豫州汝陵縣東南七十一里兵

到大梁去十八年秦拔郢楚王徙陳十九年昭王卒子
安釐王立安釐王元年秦拔我兩城二年又拔我二城軍
大梁下韓來救予秦溫以和三年秦拔我四城斬首四
萬四年秦破我及韓趙殺十五萬人走我將芒卯魏將
段干子請予秦南陽以和蘇代謂魏王曰欲璽者段干
子也欲地者秦也今王使欲地者制璽使欲璽者制地
魏氏地不盡則不知已且夫以地事秦譬猶抱薪救火
薪不盡火不滅王曰是則然也雖然事始已行不可更

矣對曰王獨不見夫博之所以貴梟者便則食不便則

止矣今王曰事始已行不可更是何王之用智不如用

梟也

博頭有刻為梟鳥形者擲得梟者合食其子若不便則為餘行也

九年秦拔我懷

十年秦太子外質于魏死十一年秦拔我鄭丘

鄭七私反又音

妻地理志云汝南郡新鄆縣應劭曰秦伐魏取鄆丘漢興為新鄆章帝封殷後更名宋也

秦昭王謂

左右曰今時韓魏與始孰彊對曰不如始彊王曰今時

如耳魏齊與孟嘗芒卯孰賢對曰不如王曰以孟嘗芒

卯之賢率彊韓魏以攻秦猶無奈寡人何也今以無能

之如耳魏齊而率弱韓魏以伐秦其無奈寡人何亦明
矣左右皆曰甚然中旗馮琴對曰王之料天下過矣當
晉六卿之時知氏最彊滅范中行又率韓魏之兵以圍
趙襄子于晉陽決晉水以灌晉陽之城

括地志云晉水
源出并州晉陽

縣西懸壘山山海經云懸壘之山晉水出焉東南流注
汾水晉趙襄子堡晉陽智氏防山以水灌之不沒者三
版其潰乘高西注入晉陽城以不堪者三版知伯行水
周溉灌東南出城注于汾陽也

魏桓子御韓康子為參乘知伯曰吾始不知水之可以
亡人之國也乃今知之汾水可以灌安邑

安邑在絳州
夏縣本魏都

汾水東北歷安邑西南入河也絳水可以灌平陽

平陽晉州本韓都也括地志云絳水一名

白水今名弗泉源出絳山飛泉奮湧揚波注縣積壑一十許丈望之極為奇觀矣按引北灌平陽城也魏

桓子肘韓康子韓康子履魏桓子肘足接于車上而知

氏地分身死國亡為天下笑今秦兵雖彊不能過知氏

韓魏雖弱尚賢其在晉陽之下也此方其用肘足之時

也願王之必勿易也于是秦王恐齊楚相約而攻魏魏

使人求救于秦冠蓋相望也而秦救不至魏人有唐雎

者年九十餘矣謂魏王曰老臣請西說秦王令兵先臣

出魏王再拜遂約車而遣之唐睢到入見秦王秦王曰
文人芒然乃遠至此甚苦矣夫魏之來求救數矣寡人
知魏之急已唐睢對曰大王已知魏之急而救不發者
臣竊以為用策之臣無任矣夫魏一萬乘之國也然所
以西面而事秦稱東藩受冠帶祠春秋者以秦之彊足
以為與也今齊楚之兵已合于魏郊矣而秦救不發亦
將賴其未急也使之大急彼且割地而約從王尚何救
焉必待其急而救之是失一東藩之魏而彊二敵之齊

楚則王何利焉于是秦昭王遽為發兵救魏魏氏復定
趙使人謂魏王曰為我殺范痤吾請獻七十里之地魏
王曰諾使吏捕之圍而未殺痤因上屋騎危謂使者曰
與其以死痤市不如以生痤市有如痤死趙不予王地
則王將奈何故不若與先定割地然後殺痤魏王曰善
痤因上書信陵君曰痤故魏之免相也趙以地殺痤而
魏王聽之有如彊秦亦將襲趙之欲則君且奈何信陵
君言于王而出之魏王以秦救之故欲親秦而伐韓以

求故地無忌謂魏王曰秦與戎翟同俗有虎狼之心貪
戾好利無信不識禮義德行苟有利焉不顧親戚兄弟
若禽獸耳此天下之所識也非有所施厚積德也故太
后母也而以憂死穰侯舅也功莫大焉而竟逐之兩弟
無罪而再奪之國此于親戚若此而況于仇讎之國乎
今王與秦共伐韓而益近秦患臣甚惑之而王不識則
不明羣臣莫以聞則不忠今韓氏以一女子奉一弱主
內有大亂外交彊秦魏之兵王以為不亡乎韓亡秦有

鄭地與大梁鄰王以為安乎王欲得故地今負彊秦之親王以為利乎秦非無事之國也韓亡之後必將更事更事必就易與利就易與利必不伐楚與趙矣是何也夫越山踰河絕韓上黨而攻彊趙是復關與之事秦必不為也若道河內倍鄴朝歌絕漳釜水與趙兵決于邯鄲之郊是知伯之禍也秦又不敢伐楚道涉山谷行三千里

劉伯莊云秦兵向楚有兩道谷是西道河外東道從褒斜入梁州即東南至申州攻石城止險阨之

塞而攻冥阨之塞

冥音盲括地志云石城山在申州鍾山縣東南二十一里魏攻冥阨即此

山上有石故城注水經云或言在郢指此山也呂氏春秋云九塞此其三也

所行甚遠所攻

甚難秦又不為也若道河外倍大梁

從河外出函谷關歷同州南至鄭州

東向陳州則背大梁也

右蔡左召陵

上蔡縣在豫州北七十里即陵故城亦在豫州鄆城縣東

四十五里並在陳州西從汴州南行向陳州之西郊與則上蔡邵陵在南面向東皆身之右定無左字也

楚兵決于陳郊秦又不敢故曰秦必不伐楚與趙矣又

不攻衛與齊矣

衛齊皆在韓趙魏之東故秦不伐也

夫韓亡之後兵出之

日非魏無攻已秦固有懷茅

茅卯邑反懷州武陟縣西十一里故懷城本周邑後

屬晉左傳云周與鄭人蘇忿生十二邑其一曰懷茅括地志云在懷州獲嘉縣東北二十五里也獲嘉古修武

也邢丘

括地志云云平臯故城在懷州武德縣東城坵南二十里本邢丘邑也以其在河之臯地也

津以臨河內

坵音詭字誤當作延括地志云延津故俗字名臨津故城在衛州清淇縣西南二十

六里杜預云汲郡城南有延津是也

河內共汲必危有鄭地得垣雍

雍於用反

括地志云故城在鄭州原武縣西北七里釋例地名卷縣理或垣城也言韓亡之後秦有鄭地得垣雍城從榮澤決溝歷雍灌大梁是也決榮澤水灌大梁必亡王之使者出

過而惡安陵氏于秦

括地志云鴈陵縣西北十五里李奇云六國時為安陵也言魏王使

者出向秦云共伐韓以成過失而更惡安陵氏于秦今伐之重非也秦之欲誅之久矣秦

葉陽昆陽與武陽鄰

括地志云葉陽今許州葉縣也昆陽故城在許州葉縣北二十五里

舞陽故城在葉縣東十里州時聽使者之惡之隨安陵

葉陽昆陽屬秦舞陽屬魏也

氏而亡之隨猶聽也無忌說言使者惡安陵氏亦聽秦

矣秦有許地魏國可無害繞舞陽之北以東臨許南國必危

南國今許州許

昌縣南西四十里許昌故城是也此是屬韓在魏之南故言南國括地志云周時為許國武王伐紂所封地里志云潁川許縣古許國姜姓四岳之後文叔所封二十四君為楚所滅三卿背晉其地屬韓

國無害

已夫憎韓不愛安陵氏可也夫不患秦之不愛南國非

也異日者秦在河西晉國去梁千里

河西同州也晉國都絳州魏都安邑

皆在河東去大梁有千里也

有河山以開之有周韓以間之從林鄉

軍

括地志云宛陵故城在鄭州新鄭縣東北三十八里本鄭蕩縣也按劉徐二說是其地也以至子

今秦七攻魏五入囿中

括地志云國田澤在鄭州管城縣東三里周禮云豫州數曰圃

四邊城盡拔文臺墮垂都焚

墮許規反括地志云文臺在曹州宛句縣西北六十

五里也

林木伐麋鹿盡而國繼以圍又長驅梁北東至陶

衛之郊

陶曹州定陶也衛即宋州楚丘縣衛文公都之秦兵厯取其郊也

北至平監所

亡于秦者山南山北

山華山也華山之東南七國時鄧州屬韓汝州屬魏華山之北同華

銀綏並魏地也河外河內

河外謂華州以東至魏陝河內謂蒲州以東至懷衛也

大縣數

十名都數百秦乃在河西晉去梁千里而禍若是矣又

況于使秦無韓有鄭地無河山而闡之無周韓而間之
去大梁百里禍必由此矣異日者從之不成也楚魏疑
而韓不可得也今韓受兵三年秦撓之以講識亡不聽
投質于趙請為天下鴈行頓刃楚趙必集兵皆識秦之
欲無窮也非盡亡天下之國而臣海內必不休矣是故
臣願以從事王王速受楚趙之約趙挾韓之質以存韓
而求故地韓必效之無忌令魏王速受楚趙之從趙楚
挾持韓之質以存韓而魏以求地
韓必效之勝于與秦伐此士民不勞而故地得其功多
韓又與秦隣之禍殃也

于與秦共伐韓而又與彊秦鄰之禍也夫存韓安魏而

利天下此亦王之天時已通韓上黨于共甯

共衛州共城縣甯懷

州脩武縣本殷之甯邑韓詩外傳云武王伐紂勒兵于甯故曰脩武今魏開通共甯之道使韓上黨得直路而

行也使道安成

括地志云故安城在鄭州原武縣東南二十里時屬魏也

出入賦之是

魏重質韓以其上黨也今有其賦足以富國韓必德魏

愛魏重魏畏魏韓必不敢反魏是韓則魏之縣也魏得

韓以為縣衛大梁河外必安矣今不存韓二周安陵必

危楚趙大破衛齊甚畏天下西鄉而馳秦入朝而為臣

不久矣二十年秦圍邯鄲信陵君無忌矯奪將軍晉鄙

兵以救趙

括地志云魏德故城一名晉鄙城在衛縣西北五十里即公子無忌矯奪晉鄙兵故名魏

德城也趙得全無忌因留趙二十六年秦昭王卒三十年

無忌歸魏率五國兵攻秦敗之河內走蒙驁魏太子增質于秦秦怒欲囚魏太子增或為增謂秦王曰公孫喜固謂魏相曰請以魏疾擊秦秦王怒必囚增魏王又怒擊秦秦必傷今王囚增是喜之計中也故不若貴增而合魏以疑之于齊韓秦乃止增三十一年秦王政初立

三十四年安釐王卒太子增立是為景湣王信陵君無

忌卒景湣王元年秦拔我二十城以為秦東郡二年秦

拔我朝歌衛徙野王三年秦拔我汲五年秦拔我垣蒲

陽衍

括地志云故垣地本魏王垣也在絳州垣縣西北二十里蒲邑故城在隰州隰川縣南四十五里在

蒲水之北故曰蒲陽衍地名在鄭州

十五年景湣王卒子王假立王假元

年燕太子丹使荆軻刺秦王秦王覺之三年秦灌大梁

虜王假遂滅魏以為郡縣

太史公曰吾適故大梁之墟墟中人曰秦之破梁引河

溝而灌大梁三月城壞王請降遂滅魏說者皆曰魏以
不用信陵君故國削弱至于亡余以為不然天方令秦
平海內其業未成魏雖得阿衡之佐曷益乎

史記正義卷四十四

欽定四庫全書

史記正義卷四十五

唐 張守節 撰

韓世家第十五

史記四十五

韓之先與周同姓姬氏其後苗裔事晉得封于韓原

括地志云韓原在同州韓地縣西南八里又韓城在縣南十八里故古韓國也古今地名云韓武子食菜于韓

原故城也曰韓武子武子後三世有韓厥從封姓為韓氏韓

厥晉景公之三年晉司寇屠岸賈將作亂誅靈公之賊

趙盾趙盾已死矣欲誅其子趙朔韓厥止賈賈不聽厥
告趙朔令亡朔曰子必能不絕趙祀死不恨矣韓厥許
之及賈誅趙氏厥稱疾不出程嬰公孫杵臼之藏趙孤
趙武也厥知之景公十一年厥與卻克將兵八百乘伐
齊敗齊頃公于鞍音安貽地志云故鞍城名俗名
馬鞍城在濟州平陰縣十里獲逢
丑父于是晉作六卿而韓厥在一卿之位號為獻子晉
景公十七年病卜大業之不遂者為祟韓厥稱趙成季
之功今後無祀以感景公景公問曰尚有世乎厥于是

言趙武而復與故趙氏田邑續趙氏祀晉悼公之十年

韓獻子老獻子卒子宣子代宣子徙居州

括地志云懷州武德縣本

周司寇蘇忿生之州邑也

晉平公十四年吳季札使晉曰晉國之政

卒歸于韓魏趙矣晉頃公十二年韓宣子與趙魏共分

祁氏羊舌氏十縣晉定公十五年宣子與趙簡子侵伐

范中行氏宣子卒子貞子代立貞子徙居平陽

平陽晉州城是

貞子卒子簡子代簡子卒子莊子代莊子卒子康子代

康子與趙襄子魏桓子共敗知伯分其地地益大大于

諸侯康子卒子武子代武子二年伐鄭殺其君幽公十
六年武子卒子景侯立景侯虔元年伐鄭取雍丘二年
鄭敗我負黍六年與趙魏俱得列為諸侯九年鄭圍我
陽翟景侯卒子列侯取立列侯三年聶政殺韓相俠累
九年秦伐我宜陽取六邑十三年列侯卒子文侯立是
歲魏文侯卒文侯二年伐鄭取陽城伐宋到彭城執宋
君七年伐齊至桑丘鄭反晉九年伐齊至靈丘
靈丘蔚州縣也
此時屬燕也
十年文侯卒子哀侯立哀侯元年與趙魏分晉

國二年滅鄭因徙都鄭六年韓嚴弒其君哀侯而子懿

侯立懿侯二年魏敗我馬陵

在魏州元城縣東南一里

五年與魏惠

王會宅陽

在鄭州也

九年魏敗我澮

澮古外反在陵州澮水之上也

十二年

懿侯卒子昭侯立昭侯元年秦敗我西山二年宋取我

黃池魏取朱六年伐東周

河南鞏縣

取陵觀邢丘八年申不

害相韓脩術行道國內以治諸侯不來侵伐十年韓姬

弒其君悼公十一年昭侯如秦二十二年申不害死二

十四年秦來拔我宜陽二十五年旱作高門屈宜臼曰

昭侯不出此門何也不時吾所謂時者非時日也人固
有利不利時昭侯嘗利矣不作高門往年秦拔宜陽今
年旱昭侯不以此時卹民之急而顧益奢此謂時絀舉
羸二十六年高門成昭侯卒果不出此門子宣惠王立
宣惠王五年張儀相秦八年魏敗我將韓舉十一年君
號為王與趙會區鼠十四年秦伐敗我鄢

今許州鄢陵縣西北十五

里有鄢陵故城是也

十六年秦敗我脩魚虜得韓將鯁申差于濁

澤

按濁澤者蓋誤當作觀澤年表云秦惠文王更元八年與韓戰斬首八萬韓宣惠王十六年秦敗我脩魚

得將軍中差魏哀王二年齊敗我觀澤趙武靈王九年
與韓魏擊秦齊昏王七年敗魏世家云濁澤定誤矣徐
廣又云濁澤在長社不曉錯誤之甚括
地志云觀澤在魏州頓丘縣東十八里

韓氏急公仲謂

韓王曰與國非可恃也今秦之欲伐楚久矣王不如因
張儀為和于秦賂以一名都具甲與之南伐楚此以一
易二之計也韓王曰善乃警公仲之行將西購于秦楚
王聞之大怒召陳軫告之陳軫曰秦之欲伐楚久矣今
又得韓之名都一而具甲秦韓并兵而伐楚此秦所禱
祀而求也今已得之矣楚國必伐矣王聽臣為之警四

境之內起師言救韓命戰車滿道路發信臣多其車重
其幣使信王之救已也縱韓不能聽我韓必德王也必
不為鴈行以來是秦韓不和也兵雖至楚不大病也為
能聽我絕和于秦秦必大怒以厚怨韓韓之南交楚必
輕秦輕秦其應秦必不敬是因秦韓之兵而免楚國之
患也楚王曰善乃警四境之內興師言救韓命戰車滿
道路發信臣多其車重其幣謂韓王曰不穀國雖小已
悉發之矣願大國遂肆志于秦不穀將以楚徇韓韓王

聞之大說乃止公仲之行公仲曰不可夫以實伐我者
秦也以虛名救我者楚也王恃楚之虛名而輕絕彊秦
之敵王必為天下大笑且楚韓非兄弟之國也又非素
約而謀伐秦也已有伐形因發兵言救韓此必陳軫之
謀也且王已使人報于秦矣今不行是欺秦也夫輕欺
彊秦而信楚之謀臣恐王必悔之韓王不聽遂絕于秦
秦因大怒益甲伐韓大戰楚救不至韓十九年大破我
岸門

括地志云岸門在許州長社縣
西北十八里今名西武亭矣

太子倉質于秦以

和二十一年與秦共攻楚敗楚將屈丐斬首八萬于丹

陽

左傳例云楚居丹陽
今枝江縣故城是也

是歲宣惠王卒太子倉立是為

襄王襄王四年與秦武王會臨晉其秋秦使甘茂攻我

宜陽五年秦拔我宜陽

括地志云故韓城一名宜陽城
在洛州福昌縣東十四里韓宜

陽城也

斬首六萬秦武王卒六年秦復與我武遂九年秦

復取我武遂十年太子嬰朝秦而歸十一年秦伐我取

穰

穰人羊反鄧州縣也郭仲產南雍州記云楚之別邑
秦初侵楚封公子悝為穰侯後屬韓秦昭王取之也

與秦伐楚敗楚將唐昧十二年太子嬰死公子咎公子

蟣虱爭為太子時蟣虱質于楚蘇代謂韓咎曰蟣虱亡

在楚楚王欲內之甚今楚兵十餘萬在方城之外

括地志云

方城山在許州葉縣西南十八里左傳云楚大夫屈完對齊侯曰楚國方城以為城杜注云方城山在南陽葉

縣公何不令楚王築萬室之都雍氏之旁

括地志云故雍氏城在洛

州陽翟縣二十五里故老云黃帝臣雍父作杵臼也

韓必起兵以救之公必將矣

公因以韓楚之兵奉蟣虱而內之其聽公必矣必以楚韓封公也韓咎從其計楚圍雍氏韓求救于秦秦未為發使公孫昧入韓公仲曰子以秦為且救韓乎對曰秦

王言之曰請道南鄭藍田

南鄭梁州縣藍田雍州縣秦王言或出雍州西南至鄭或

出雍州東南歷藍田出峽關俱繞楚北境以待韓使而東救雍氏如此遲緩近不合于楚矣

出兵于

楚以待公殆不合矣公仲曰子以為果乎對曰秦王必祖張儀之故智楚威王攻梁也張儀謂秦王曰與楚攻魏魏折而入于楚韓固其與國也是孤秦也不如出兵以到之魏楚大戰秦取西河之外以歸今其狀陽言與韓其實陰善楚公待秦而到必輕與楚戰楚陰得秦之不用也必易與公相支也公戰而勝楚遂與公乘楚施

三川而歸

施猶設也三川各天子都也言韓戰勝楚則秦與韓駕御于楚即于天子之都張設救韓

之功行霸王之迹加威諸侯乃歸咸陽是也

公戰不勝楚塞三川守之

乃楚

塞南河四關守之韓不能救三川

公不能救也竊為公患之司馬庚三

反于郢甘茂與昭魚遇于商於其言收璽實類有約也

公仲恐曰然則奈何曰公必先韓而後秦先身而後張

儀

先以身有韓之計而後知張儀為秦到魏之計不如急以國合于齊楚

公不如亟以國

合于齊楚齊楚必委國于公公之所惡者張儀也

惡鳥故反

公孫臏言公仲所惡者張儀到魏之計雖以國合于齊楚其實猶不輕欺無秦也

其實猶不無

秦也于是楚解雍氏圍

自此已上十二年並是楚後圍雍氏赧王之十五年一段事也前注

徐廣云楚圍雍氏之下是楚前圍雍氏赧王三年事徐說非也徐見下文云先身而後張儀及公之所惡者張儀也言張儀尚存楚又兩度圍雍氏故生此前後之見甚誤也然是公孫昧却述張儀時事說韓相公仲耳

蘇代又謂秦太后弟芊戎曰公叔伯嬰恐秦楚之內蟻

虱也公何不為韓求質于楚

為于偽反後同質子蟻虱蘇代令芊戎為韓求蟻虱

入於韓楚不聽公叔嬰知秦楚不以蟻虱為事必以韓合于秦楚王聽入質子於韓當云楚王不聽入質子於韓承前脫不字耳次下云知秦楚不以蟻虱為事重明脫不字

楚王聽入質子于韓

則公叔伯嬰知秦楚之不以蟻虱為事必以韓合于秦

楚秦楚挾韓以窘魏魏氏不敢合于齊是齊孤也公又

為秦求質子于楚楚不聽怨結于韓韓挾齊魏以圍楚

楚必重公

言韓合齊魏以圍楚楚必尊重羊戎以求秦救矣

公挾秦楚之重以

積德于韓公叔伯嬰必以國待公于是蟻貳竟不得歸

韓

自此已前蘇代數計皆不成故韓竟立咎為太子也

韓立咎為太子齊魏王

來

蘇代為韓立計故得齊魏王來

十四年與齊魏王共擊秦至函谷而

軍焉十六年秦與我河外及武遂襄王卒太子咎立是

為釐王釐王三年使公孫喜率周魏攻秦秦敗我二十

萬虜喜伊闕五年秦拔我宛

宛於元反宛鄧州縣也時屬韓也

六年與

秦武遂地二百里

此武遂及上武遂皆宜陽近地

十年秦敗我師於夏

山十二年與秦昭王會西周而佐秦攻齊齊敗湣王出

亡十四年與秦會兩周間二十一年使暴戡

音捐韓將姓名

救

魏為秦所敗戴走開封二十三年趙魏攻我華陽

司馬彪云

華陽山名在密縣鄭州管城縣南四十里

韓告急于秦秦不救韓相國謂陳

筮曰事急願公雖病為一宿之行陳筮見穰侯穰侯曰

事急乎故使公來陳筮曰未急也穰侯怒曰是可以為

公之主使乎夫冠蓋相望告敝邑甚急公來言未急何

也陳筮曰彼韓急則將變而佗從以未急故復來耳穰

侯曰公無見王請今發兵救韓八日而至敗趙魏于華

陽之下是歲釐王卒子桓惠王立桓惠王元年伐燕九

年秦拔我陘城汾旁

陘音刑秦拔陘城于汾水之旁陘故城在絳曲沃縣西北二十里汾

水之旁也

十年秦擊我于太行

太行山在懷州河內縣北二十五里也

我上黨

郡守以上黨郡降趙十四年秦拔趙上黨

韓上黨也從太行西北澤

路等州是也

殺馬服子卒四十餘萬于長平十七年秦拔我

陽城負秦

古今地名云負秦在洛州陽城西三十七里也

二十二年秦昭王卒

二十四年秦拔我城皋滎陽二十六年秦悉拔我上黨

二十九年秦拔我十三城三十四年桓惠王卒子王安

立王安五年秦攻韓韓急使韓非使秦秦留非因殺之

九年秦虜王安盡入其地為潁川郡韓遂亡


亡在秦始皇十七年

年

太史公曰韓厥之感晉景公紹趙孤之子武以成程嬰

公孫杵臼之義此天下之陰德也韓氏之功于晉未覩

其大者也然與趙魏終為諸侯十餘世宜乎哉



史記正義卷四十五